



ACORDO DE COLABORACIÓN ENTRE O CENTRO DE ESTUDIOS INFORMÁTICOS , CONTABLES Y ADMINISTRATIVOS, S.L. (CEICA,S.L.) E O CONCELLO DE VIGO PARA A REALIZACIÓN DE PRÁCTICAS PROFESIONAIS NON LABORAIS INCLUIDAS NO PROGRAMA FORMATIVO DE ALUMNOS DOS CURSOS AFD 2016 (Accións Formativas para Desempregados), segundo as bases reguladoras da orde de 29 de decembro de 2015.

Vigo, 3 de outubro de 2016

REÚNENSE:

Por unha parte, D. Santos Hector Rodríguez Díaz, concelleiro delegado de Emprego, Participación Cidadá e Voluntariado, en representación do Concello de Vigo, con enderezo social na Praza do Rey, nº 2 de Vigo, C.P. 36202 e CIF: P-3605700H, en virtude da delegación conferida por decreto de Alcaldía de 19 de xuño de 2015 e Acordo da Xunta de Goberno Local de 19 de xuño de 2015.

Da outra, Dna. Emma Martíns Garbín en representación do centro CEICA, S.L., con CIF B-36.858.074 y domicilio en r/ San Roque, 109- interior de Vigo, CP 36205, que actúa en nome e representación da mesma inscrita no Rexistro Mercantil de Pontevedra, por D. Mariano Vaqueiro Rumbao, por tempo indefinido en el Tomo: 2370, Libro: 2370, Folio: 50, Hoja: PO-24321, Inscripción: 1ª.

Ambalas dúas partes recoñécense con capacidade legal suficiente para outorgar o presente convenio e, para os efectos,

EXPOÑEN

Que ámbalas partes recoñécense recíprocamente capacidade e lexitimidade para acordar.

Que o obxecto do presente acordo é a colaboración entre as entidades ás que representan para o desenvolvemento das Prácticas dos alumnos dos cursos AFD, segundo as bases reguladoras da Orde de 29 de decembro de 2015 da Consellería de Economía, Emprego e Industria da Xunta de Galicia.

ACORDAN

Subscribir o presente acordo de colaboración para o desenvolvemento da formación en centros dependentes do Concello de Vigo para o alumnado do curso de "Gestión Ambiental" (código: SEAG0211_3) do Plan AFD 2016.

CLÁUSULAS

Primeira.- O alumnado do curso de "Gestión Ambiental" do Plan AFD desenvolverá actividades formativas durante 80 horas, programadas nos servizos e centros dependentes do Concello de Vigo, sen que isto implique relación laboral algunha con esta institución; ésta será, polo tanto, estritamente académica.

As prácticas non serán recompensadas economicamente a ningún alumno.



Segunda.- O Concello de Vigo colaborará na formación do alumnado do curso de “Gestión Ambiental”, sen que en ningún momento poida verse afectado o seu normal funcionamento.

Terceira.- Calquer accidente que un dos alumnos poida sufrir dentro ou fóra do Concello de Vigo estará cuberto por un SEGURO DE ACCIDENTES e unha PÓLIZA DE RESPONSABILIDADE CIVIL a favor do alumno/a, contratada por **CEICA,S.L.**, e que comprenderá todo o período de prácticas. O alumno, baixo ningún concepto, poderá reclamar responsabilidades ao Concello de Vigo.

O Concello de Vigo, en ningún caso, asumirá un gasto derivado do presente Convenio, nin de danos e perdas que se poidan producir nas instalacións e dependencias do Concello de Vigo.

Cuarta.- De conformidade co disposto na Lei orgánica 15/1999, de decembro, de Protección de datos de carácter persoal, o/a estudante en prácticas que por razón das actividades formativas teñan acceso, en calquera fase do tratamento, a datos de carácter persoal, non revelará a persoa allea á empresa/entidade información da que tiveran coñecemento, nin utilizará ou disporá dela dun xeito ou con finalidade distinta á esixida polas accións formativas; obriga que subsistirá aínda despois de rematadas as mesmas, respondendo en caso de incumprimento do deber de secreto fronte á empresa/entidade, sen prexuízo das responsabilidades que por igual causa puidesen derivarse ante a Axencia Española de Protección de Datos.

A tal efecto o/a estudante asinará coa entidade un documento no que se obrigue a cumprir o deber de secreto antes citado.

Quinta.- A entidade responsable da docencia fará un seguimento do alumnado en coordinación co responsable por parte do Concello de Vigo, Francisco Javier Gutiérrez Orúe.

Sexta.- Número de prazas

O Concello de Vigo acollerá á alumna D^a Natalia Soledad Valiente Mansilla, con DNI. 54.657.177-T de **CEICA,S.L.** en calidade de estadia de prácticas do curso “Gestión Ambiental”.

A alumna non terá a posibilidade de prorrogar ou repetir as prácticas realizadas ao abeiro deste convenio.

Sétima.- Número de horas e horario

Todas as xornadas de prácticas realizaranse dentro do horario de 07,30 a 15.30 horas, desde o día 26 de outubro, luns, ata o 9 de novembro, martes, de 2016; según acordo de **CEICA,S.L.** e o Concello de Vigo.

Oitava.- O presente acordo poderase extinguir por finalización do tempo convindo e poderase rescindir por calquera das partes, mediante denuncia dalgunha delas e que se lle deberá comunicar a outra cunha antelación mínima de cinco días, baseada nalgunha das seguintes causas:

a) Cesamento de actividades do centro docente ou dos centros dependentes do Concello de Vigo.



- b) Forza maior que imposibilite o desenvolvemento das actividades programadas.
- c) Incumprimento das cláusulas establecidas no convenio específico de colaboración, inadecuación pedagóxica das prácticas formativas ou vulneración das normas que estean en cada caso vixentes en relación coa realización das actividades programadas.
- d) Mútuo acordo entre **CEICA,S.L.**, adoptado pola súa dirección, e o Concello de Vigo, adoptado pola súa parte. Igualmente poderase rescindir para un alumno ou grupo deles, por calquera das partes asinantes, e ser excluído da súa participación no acordo por decisión unilateral do Centro de Formación ou do Concello de Vigo, ou conxuntamente de ambos os dous, nos seguintes casos:
- 1) Falta de asistencia e/ou puntualidade non xustificadas á realización das prácticas.
 - 2) Actitude incorrecta ou falta de aproveitamento, tras unha audiencia coa persoa interesada.

O alumno aceptará que en calquer momento se lle poida requerir que abandone definitiva o temporalmente as dependencias do Concello, sen que poida esixir ningún tipo de indemnización, previa comunicación a **CEICA,S.L.**


Novena.- O presente acordo entrará en vigor durante o presente ano 2016, sen prexuízo de que se prorrogue automaticamente para os vindeiros anos, se non é denunciado por algunha das dúas partes.

E, en proba de conformidade, asinan as partes o presente convenio no lugar e data indicados ao comezo.

POLO CONCELLO DE VIGO
O concelleiro de Emprego, Economía, Industria,
Voluntariado e Relacións con Sindicatos
(Delegación de Competencias de Alcaldía de
19/06/2015 e Acordo da X.G.L.de 19/06/2015)


Santos Hector Rodríguez Díaz

POLO CENTRO DE ESTUDIOS
CEICA, S.L.


CENTRO DE ESTUDIOS INFORMÁTICOS,
CONTABLES Y ADMINISTRATIVOS.
Emilia Martins Garbín